


**TRUTH
CENTERED
TRANSFORMATION**

MODULE 1



**NUITEGEARETE AIJANAKIN NA
ISILOSIKINIT OWAITIN KERE**

EITABO LOKA ESISIAN

Nu Ejaasi Toma

1.1 Niungarenikinete Aimor Aitamitam Akirot kere Kaimoriarit	3
Ageunet - Asubio	3
Aibiror.....	3
Aiyakunio	4
Emusalaba – Ainyakakinio.....	4
Abongun.....	5
1.2 Abolia na Adam ka Keba	6
2.1 Esubitai kotoma Aputo Naka Edeke	7
3.1 Aboliasit naka Ekalimonokinan.....	8
3.2 Aicorakinet Napolon	9
4.1 Luka 2:52 Nuingarenikinete Aimor Aitamitam.....	10
4.2 Ainomunet na itodunit Apolo	11
5.1 Akiro Nu Isisiaunitai	12
5.2 Ainomunet na Iwaitin lu Ingarakinet.....	14
Ipudesia.....	14
Iwaitin lu Epodora Ekanisa aingarakin	14
6.1 Ekokon Wong	15
6.2 Akirot Na Isisiaunitai: Jose (Yose) ka Maria	18
8.1 Ajkt. Lee Nuingarenikinete Aimor Aitamitam	19
Koomoom nu akamunitos aitatameta nuka Ajkt. Lee ido omorata aitamitam aingiseta nu etupakinete:	19
8.2 Ekale Loejai Oipudi Nuingarenikinete Aimor Aitamitam	20
9.1 Iponesio Lu itodiaritos Aswamisioit naka amina	21
Airereor Eipone lo abu Aswamisioit Kojaunor.....	23
Afomun nu Itolomuununet Ainapeta	26

1.1 Niungarenikinete Aimor Aitamitam Akirot kere Kaimoriarit

Ageunet - Asubio

Kotupitete nu isisiat oni kotoma Ageun 1-2 Koipone ti aani ibongokina ijo aingiseta nuu?

- Koipone bo aani egearitor akirot kotoma Ageun 1:1? Aanu bo akiro nusodit aangon (4)?
- Ekoni bo akwapu ai kotoma ageunet Komanikor loka Eden?
- Ekoni bo eidicane ai kiding Adam ka Edeke?
- Ekoni bo eidicane ai kiding Adam ka Keba? Ijo iomit ebe apeganakinis noi noi?
- Ekoni bo ai eidicane kiding Adam ka isuban? Biyai Adam ajaasi ka lu epuda kere? Biyai ajaasi ngesi ka inyamat lu adolitos?

Aibiror

Kotoma abolia/ aboliast ka nu isiomenenei ijo Obaibuli, Nunyoika acie kotoma atiokisio nu kwana itereikinatar itunga kotupitete aibiror/ akaulo na aiboror?

- Osiom Ageun 3:8,10 – Nunyoika apotu iswamaunos kapak na aibiror mama ejai eidicane loka etunganan ka Edeke?
- Osiom Ageun 3:12 - Nunyoika apotu iswamaunos kapak na aibiror mama ejai eidicane loka etunganan ka yenicie ke?
- Osiom Ageun 3:15 - Nunyoika apotu iswamaunos kapak na aibiror mama ejai eidicane loka etunganan ka isuban?

Aiyakunio

ABURAAM - Osiom Ageun 12:1-3. Owai kalo abu Edeke itonyou Aburaam ka aisirereng ngesi. Kanuinyo esirerenga Ngesi Aburaam?

MUSA

- Biyai ekisil imoriarit iboro lu omoyo arai bo imoriarit idicasineiwok kaluciewok ka ejautene lo isuban?
- Osiom Ikisila 28:1-14. Nunyoika ebala Edeke iswamaunos arai irima oni Ikisila Luu?
- Biyai arerengusio nu isumunikit Edeke erai kanu iboro lu omoyo bon, arai bo kanu aijar Kec na akuwan da?

Osiom 2 Aisiitonokin 7:14

- Lu angai bo enyaraikit Edeke aitasonikin ka ailip?
- Nunyoika abala Edeke iswamaunos arai erimaasi?

Emusalaba – Ainyakakinio

Osiom Ikolosain 1:19-20. Kanuinyo atwania Yesu?

Osiom Matayo 28:18-20. Nunyoika ebeit oni aswam?

Abongun

Osiom Apukokinio 21:1-7

- Awasia ke, ikonakini bo eidicane loka etunganan ka Edeke ai?
- Ikonakini bo eidicane loka etunganan ka Yenicie ke ai?
- Ikonakini bo eidicane loka etunganan ka ejautene loka isuban ai? Oni ibuni ajaut kede lu ilosikino ainyam? Oni ibuni kereka bobo adekakin?

1.2 Abolia na Adam ka Keba

“Einer kidding Adam ka Keba”

Adam: (Akoru Omanikor) Keba, ationor aswam na omanikor akaulo na oni aitunyunyurikin Edeke koipone lo ainyam araito ngin !

Keba: Eeba, ka isap wok da mam bobo kwana iswamanara ejok. Epegananasi ka ananganangaunun isawan kere. Amuno mam ebuni amunaar adepar nen ! Ka akui nu bangiok nu Etini ido eong ainap – Esilok!

Adam: (Epega) Ee, mam oni ipedori agwela igoen lu itetiak, aso mam inguriani !
(ililingikini) atwania eong apakio kwa nulemu sek, Ne abunenena Edeke aupanena ka oni ka ainerenena ka oni. Kwana epupi erono araida ijaa oni. Ido iitu ka aminatar itiangi da arimaarit oni, Kwana ekerete akurianikit oni !

Keba: Eeba, arai etamitos akonyokony oni ! Ugh... Angara eong imunuo ! Mam eong acamunit bala abu eong acamu aomisioit naka emun ! Ationus na kere erai aibucaret emun !

Adam: Mam, erai ationus na kere nakon ! Mam ijo iswamaenenei nu ajokak ! Kanu inyo acamuna eong aomisioit na itunganen yen abu ocam aicoreta nu emun?

Keba: Ee, mam itoroni eong. Erai ngin kere aibucaret kon (Opalari, isoorikin) itimo adiaka eong – mam ingarakini eong adedengaanar. Adam, ijo iwomit ebongokinete kereka bobo iboro kwa kolo ajaatatar?

Adam: Mam eong ajeni – Edeke bon epedori aitemokin ationus na !

Keba: Do kwana, — kwana do biyai? (oresiaar, okeruni kinga) Yesiba lu inyekisi ejie, isapa lu ! Opalasi atipet kopaana. Ipupete yesi? Alosi alimokin Papakus, ido mam iyalamikin !

Adam: (Abongor Misiri, ido aiwom etau) Aswam, aswam, aswam,aswam, aswam,...

2.1 Esubitai kotoma Aputo Naka Edeke

Osiom Ageun 1:26-27

- Koipone aani itegelikinatar itunga kama ejaasi lucie isuban? Inyobo abu Edeke itwasam kwape aitupuset kanu itunga?
- Lunyoika bo icie oponesio luka Edeke lu epedorio adumakin otunganen? Imarimar nu ipu noi kwape ipedoria

Osiom Esabuli 139:13-16

- Nunyoika bo ilimokit oni ekokoro lo nu ikamunitos ameda / ajokis naka itunga?
- Ijo iwomit ebe ekokoro lo ikamuut itunga icie bon arai bo itunga kere?


Aimor Aitamitam Ogurupu lo Edit:

- Lu angai icie otunga lu etakani itamameunitai ameda kotunga?
- Lu nyoika icie oponesio lu ipedora oni aitodikina itunga ebe eraasi kesi lu epol ameda mama ejai Edeke?

3.1 Aboliasit naka Ekalimonokinan

Nu Inera itunganen yen itijenari Abolia: Eminasi Ikristayon aciepakio ejaasi kede nu inyarit kwape “adidingu na eipone lo Alimonokin.” a “narrow view of the Gospel.” Ejenete ebe Acamun Yesu ngesi aseunet naka aijar ka atwanare, konye mam ejenete icie ibore bobo kere. Ne itumudakitere aijen kec nu ikamunitos ipudesia luka eidunyet, akirot na alimonokin kec eoliorit cut.... Lolo, ilosi oni aipejokin ere lo icana noi. Ngesi bon iboyei ore, itunganen yeni icana odeka, (a **Poor Sick Person**) (**PSP**) odeka ejai oitada.

Epejonon, Ekristayot lo Alimonokinan (**EV**) ejai aijanakin na adolonokin ikalia elimonokini, Adolun napana.



**** Kanu Abolia na ilosi oni aitwasam “EV” kanu Ekalimonokinan, “PSP” kanu itunganen yen icana odeka**

EV: Yoga, yoga! Ejai idiotuan ore lo? Eong da alomu toma? (Olomari)

PSP: (Odite agogong) toma nee....

EV: Yoga. Arai eong _____ abunit Okanisa _____. Adoluit eong lolo aisukunyuun angin itunganen kere toma okanisa kosi. Ejai Ejakait isirerengit isio kede aisiteteunio na epol noi. Mam ekoto ijo atwanar.

PSP: (idinyanikin, isiganakini einer) Mam apedori abunere...mam apedori adokun oitada... egirit akuan mam apedori alosit... alemar eong aswam... emameete isirigin lu ekia... arai da inyamat... arai da lu etogo...

EV: Eraasi ngun atiokisio nu epolok, konye ajeni eong etunganen lo ejaatatar abongokineta nuka atiokisio nuka aijar kere. Ijo icamunit Yesu Kristo kwape Etajarankon?

PSP: (Odite agogong) Lu okaleka kede ipapero da ajalata eong ne abu eong adekakinor kasodete alemar aswam... Biyai epedori idio itunganen okanisakus aingarakin eong? Okwee?

EV: Aingarakinio na ejok ka kere na ipedori ijo adumun ejai apapula napanata. Itetemit ainapeta nuka Edeke kanu aijarakon. Ijeni ijo, mam erai akoteke ijo apero kane ! Aso apapula naa, osiom, ilip ailipa naka ikadiakanaran kosodi aiyuun!

PSP: (Adisiar do agogong noi) Mam apedori... edit agogong noi... (Elilinguu, eperi mam bobo ijangakin da.)

EV: (Aiwany amori - akan, omosing) Eroko ejari ! ituritete Edeke, adolut eong ne kotoma apak alope tetere aimor ka ngesi Kristo ! ajalakini eong apapula kanges. Edolit eong alosit tetere apedori aimor alimonokin lucie da lu eolioritos. (ikenyakini noi toma aki nuka **PSP**) ibuni isio ailipanakin ijo. iitu, Yesu Ngesi abongokinet (Onyouni alosit)

PSP: (Aitee ngesi elosi, idinyanikin) Ohhhhhhhhhhh.....

(Mam iswamauni idio ibore bobo – arai idio ibore yen esubit bala iriamara)

3.2 Aicorakinet Napolon

Osiom ikokoron lu etupakitos:

Matayo 22:36-40

Marako 12:28-31,33

Luka 10:27

Matayo 7:12

Iromayon 13:9

Igalatian 5:14

Koipone aani eputotor ikokoron lu kere? Aani bo aitegelinikineta nu iwanyu ijo?

Aani bo ebala Yesu erai na epol adepar kotoma aicorakineta aarei?





Ne iturianere kaurianut Ekisil ka Inabin koipone lo Aicorakinet adiope na Epol, aani bo ngin?

Kanuinyo iwomitor ijo abu Yesu koseuna aiturian Ekisil ka Inabin itwasamai Aicorakinet na?

4.1 Luka 2:52 Nuingarenikinete Aimor Aitamitam

1. Biyai apoloo naka Yesu abu kotakanu atipet, arai bo abu orai ayangaikin apak?
2. Lunyoika bo ijautenesia kotoma akuan/ koboro/ka ejare kede lucie itunga lu abu Yesu opolouna? (Biyai abu Ngesi olot Oyunibasiti? Biyai ajai Ngesi akim naka Eipiei togoke? Biyai Ngesi ajaasi kede inyamat lu adolitos? Biyai Ngesi apedorit aisiom ka aiwadika? Biyai Ngesi ajaasi ka auriak lu eminaaka?
3. Biyai Yesu ajaatatar ibor lu ebusakinit aitwasam kanu aitodolikina alosikinetu nuka Edeke kanuke? Kanuinyo? araibo Kanuinyo mam?
4. Abara na itiya ai ekoto ojai kanu adolokin alosikinetu nuka Edeke?
5. Abu Yesu opoloor owaitin owongon. Biyai oni ipedori aingarakin lucie apoloor owaitin kalu? Koipone ani?
6. Arai erai apoloo naka Yesu na ajaa adokena nu ikaru lu ipu, apak na itia ai ipudai kanu apoloo naka alucie itunga? Apak na itia ai ibusakinit oni akapakina ainakin toma apoloo naka itunga?

4.2 Ainomunet na itodunit Apolo

Koipone lo Ejaar	Iwaitin luka Apolo Yesu			
Kanu Apolo	Acoa	Kakuan	Komoyo	Ka lucie itunga
 ilope				
 Ekale				
 Ekanisa				
 Itunga lu Atutubet				

5.1 Akiro Nu Isisiaunitai

Osiom Aitatamunet Nasodit 1 – Saris (igoen angor nu iindun)

Apotu imemban lu okanisa kalo imarakinos bon kwape ediini lo ikidioko lu ejaasi toma ido oridakitete. Akuriaka aijanakin lu okinga lu mam araasi ikristayon. Akaulo na aisiaun ebe ekoto kesi aitodiaar Amina naka Kristo mama ejaasi itunga luka atutubet angin kere, abu Ekokon isinyikoik angor nu okanisa aisiaun ipudesia lu otunga lu atutubet osabiiti lu atupakini.

Kotoma Ailip na esabiiti kalo atupakini, apotu angor oinakisi eripota lo apotu kesi odumunata angor atomonaarei nu iindun nu ajaasi angin adiope kede sari (egoe aiindun) ediope bon. Apakio nu emwanar akwap, ibusakinit isaris ngun ailosio angin apaaran. Arai ejaasi aberu keda sari ediope bon, erai ngesi aiboi otoma otogo aitodol ne eoni sari lo elosit ngesi akolong. Abu Ekokon ingit arai ajaasi angor toma okanisa nu ajaasi ka isaris iuni ido ocamutos akorakin ne ajaasi angor ngun nu iindun. Otakanunete angor nu adolet e aisilosikin eipud ngon lu alimunitai. Osabiiti lo atupakini, apotu angor nuka okanisa ipejokisi ireria lu ajaasi angor nu ajaatatar sai idiopet bon, kosodete akorakin sari lo eyareikini. Apotu angor nu iindun iyalamikinos noi keda aswamisoit na toni adoketait na anyaraunun angor nu Kristayon ailipanakin kesi. Acie kotoma angor nu iindun nu apotiete da bobo apotu ilipata angor nu Kristayon ailipanakin iduwe kec lu aroko euruuna.



Osiom Aitatamunet Naiyareit 2 – Akipi kanu itunga lu Atutubet

Kotoma aiboisit adiope apotu itunga itereikinos kede ekadakada lo apol noi lo amamus ka akipi. In one area the people faced a huge water shortage. Akaulo na aisiaun eipud loka Edeke kanu ekanisa adolokin atutubet kec, abu engarenone loka ekanisa itojoka airereor nu apedorete kesi aswam oipone kec kanu apedor aisilosikin eipud loka akipi. Apotu odumutu aiboisit acie na ajaasi acuuman nu ipagisanaro abokia atanin ka akanin. Apotu ber itunga ongerokisi aomisoit — apotu oomitos ebe elwaka akipi okwap noi. Orai atanin nu ebokio ka akanin nu epedoros, abala aoomoom kec, kanuinyo mam kolo abokitere sek? Konye ejaa ngun da, abu engarenone loka ekanisa itojoka aitam. Apotu ipagisautu acuuma. Oyangaasi toni atutubet kec kosodete agear aibok kanu adumun akipi kau naka alupok nu ekanisa. Ne adolokiniata ipuutin akaisaongon kalukany (45) obulunon akipi, angin itunganan abu italakaar ka agogongu kere.









Konye lu mam araasi itunga lu okanisa mam apotu iyalamikinos. Aomitos ebe epote itunga lu okanisa agiruna akipi kanukec bon. Konye do bobo, abu ekanisa isukunyu itunga lu atutubet aimor nepepe arerengusio nu abu Edeke oinak apedora abokun atan kec. Atipet, ogearete agwoikitok lu atutubena acie ocaalo lu atutubet ailipa engarenok luka ekanisa arai ti epedorete aingarakin aibok atanin acie aboisio nu egelegela atutubet angin. Abu

ekanisa ocam ailipa kec. Kotoma apak na adit nepetai ekaru, aponi obokunia atanin atomon akany (15) ka akanin, adiope adeparit ipuutin akaisakany kauni (80).

Naarai abu ekanisa itodia amina naka Edeke otunga lu atutubet oipone kalo, apotu itunga iyalamikinos noi kanuka ekanisa kitoni ne abu ekanisa onyaraara itunga lu atutubat abunere airar akirot naka amina naka Edeke, apotu itunga ilelebunos. Epudasi noi akote ajenun nu ipu nu ikamunitos Edeke ka itunga lu apotu odumakisi kesi akipi.

- Nunyoika apotu ikanisan lu iswamaata?
- Biyai kesi araasi ikanisan lu abaritos?
- Inyoika iboro lu apotu kesi itwasamaata?
- Kanuinyo apotu kesi iswamauniata iboro kalu?
- Nunyoika apotu aswamisio kec koyangautu?

5.2 Ainomunet na Iwaitin lu Ingarakin

Ipudesia	Iwaitin lu Epodora Ekanisa aingarakin
<p>Eriebi Etengei</p> 	
<p>Ejakit Akure</p> 	
<p>Imujalal</p> 	
<p>Emamei Etogo</p> 	
<p>Edeka</p> 	
 <p>Ejai Awenis</p>	

6.1 Ecokon Wong

Ojai kolo Ecokon loka ekanisa lo adit toma aboisit na ecana noi okinga naka eibugu lo alal noi. Ekekiror arai Wong. Ayapiei ne abu Wong ogwotuna atutubet ngin naarai abu opup otauke Edeke eyakiarit ngesi. Adite ekanisa— nepetai itunga 40 . Araasi noi noi angor ka iduwe. Ajaasi Wong ka aswamusinei aarei. Abu aswamai acie aswam tetere epedori aitudumikina ipudesia lu aidaruna Aberuke ka iduwe ke iyarei ludidik, ido abu da bobob ngesi iswamai ka agogong ke kere acok esipan ke lodidi.

Adiope apaaran, kwape anaikitor aiswamaenen duc, abu onyou eroko ideuna esawa ediope akwap aiwalar tetere eyangaikini ngesi bon keda Edeke. Abu onyou, kosodi anapakin, osodi ecedar etitio adepar ne ajai aigalisit na atiakit ne iboyere otogoke lo agola adiope ka ne ajai aberuke kede iduwe iyatakitos ajoo. Abu inokok ikebe yen eleleba akinyet naka atodoma (akerosene) toma, ikeikini ocoget. Ogeuni aisiom Ebaibuli ke. Kotoma atupuruc kana ajai ngesi esiomi kotoma Isaia, esula 58, ido ajai epupi aimony naka Edeke kanu eipone lo aimaa lo ekoto Ngesi:

Mere na ailung naabu kaseu: aijarijar aeneta nuka aronis ka alacar arukan naka ajokot, alacakin lu eridakitai ka aibil angin ajookot? Mere kereka aimor inyamatakus ka lu eriebi etengei ka adumakin yenikican oriaraita ne etogo—Ne iyanyania yeni imujalal, kitanap ngesi, ido mere aibelokin awai ainger akuwan kon ilope ka aokot?

Mam Wong abu opedo aiyatakin noi aisom ewai ngon. Ikwaikini ai Edeke epodokit noi lu icanasi, keanyu Wong ngesi ejai toma kiding ocanit ka aitaaritoi, abu ibore ngin imusung etauke? Ajeni eipone lo autaritotor itunga lu atutubet ke kanu aipang aijar. Arai teni abeit lu aridakitai. Aarida ngesi ationikit adumun lu adolet aitanyam ekaleke ido irwana ipu, mam apedori agwelakin kesi ekiya lo epudasi kesi. Abu oomoom, “Aibo ejai Edeke? Ikwaikini ai aiwadikaet na iriamaros kede ipudesia lu ejaasi nee toma Las Pavas?”

Neajaar ngesi erorko eutaara keda aomisio nu, ojaun aikungokinet okek ke motimot. “Ingai bo nat bobo ngin, edilokit tupuruc kwana?” Esalakit Wong eomoomoi. Olosi ngesi okek. “Ingai bon gin?” Kosodi eporoto opuwai aje atemar, “Arai Eong Yesu, Wong.” “Ingai?” ingituni Wong. “Arai Eong Yesu, Wong,” ebongokini eporoto. “Ingai beer ijo abeit abeit?” ingisi Wong. Kobongokini eporoto, Wong arai Eong Yesu. Abuu Eong naarai apup Eong aimony na etaukon. Akoto eong ijo aitodikin eong nu itapasete ijo.”

Apupo eporoto bala abeit. Abu Wong iyamar osodi angaar ekek. Aroko akwap amutono ido apedori Wong aanyun ibore bala etorube, konye osubite bala kwape aomitor ngesi ajaar Yesu. “Karibu togo, Ejakait/ Kolumu toma Ejakait,” abala Wong. “Mam, Wong, akoto eong ijo ayangaar eong airimor atutubetekon ido itodik eong ibore yen imusungit etaukon.” Aroko esalakit eumokit, ocamu Wong, ebalala ikwenyari “ekoto oni alosit acootos noi — naarai etepit nan noi, epol kopana **agasia**, ido emameete isio icoloonin lu ipu.”

Kwape elosioto airimor aitor orotin luka **barrio**, kolimok Wong Yesu akiro nu ikamanara kede itogoi lu apotu kesi odepasi. Toma togo ngon ngesi kolo eboiyo aberu na abu ogwela akekuan kanu aitanyamia iduwe ke. Toma togo lo atupakin lo anyia, ngesi ajai ekilokit ekameran lo ebungaenenei

aberuke ka iduwe ne duc emerikinor — ido arai aicebokit duc. Akaniya ngina ngesi ajai ere epresident lo ipugat Barrio, etunganan lo eleleba ecamusana ka aija itunga isirigin isumunikite ebe arikuna akim na eipiei kanu itunga lu atutubet — konye abu omatara isirigin kere ka ainomara epiki.

Apotu itoroto aboisit adiope na apokoro omamei ibiro adukokitai toma kiding naka atutubet. Abeit ti araut aiboisit ka alaro na aboliasio kwangen, konye eleleba abosus na epol noi, ebukitai agasia ido ileleba imirio swii. “itei ijo etogo ngon?” ingisi Wong, ododite etogo ecie lo anyia lo ajai ariri naka eukot. “Aberu ka iduwe iwongon kesi iboyete kanen. ido eisi atunyuru — erono noi. Icanasi erono noi. ikidioko inyamat lu ejatatar, emameikitos da igoen lu enapete ido idila duc adekadekanut.” Kapak do na enerar nu oyapikitos oreret loka eukot ne edukokitai Las Pavas. Kosodi Wong adodar elwanat. “Kwap laiye — erai angor nu angina ka iduwe alosit aojau kanu adumun akipi. Emameete akipi kotoma aboisit nako Las Pavas.”

Abu Wong ogea ti aikud ekona, konye abu opup eporoto lo itunganan ecedakina aimony ke eporoto lo adit. Abu ngesi ongolia akanina alomuutor eporoto. Arai Yesu — Amonyi Yesu! Abu Wong opedo aanyun ebe iboro kupokwi lu apotu obilitos etauke, apotu bobo obilata etau loka Yesu da. Ogeari Wong einer, konye abu Yesu oriyo akanike kosodi atunakin ne ajai Wong, abu ongolia ngesi, kosodi atemar, “Wong, akoto eong aitodikin ijo ngun nu eraasi apeleikineta ka kanu Las Pavas.”

Katipet, itiiut Wong ebe eseseni ngesi kwap laiye Las Pavas. Ogeari Yesu einer, ido apedori Wong asesen iboro lu etetemuut Yesu — ajaasi aiswamaun ! abu Yesu inerite nu ekamunitos itunga lu okanisa ke Wong — ojauteke ke ngon lo ican — amorete lukejaatatar nepepe ka iidunyeta ke lu ecanasi noi. angin paaran, edeununete imuceri idio kosodete aibwaikin toma oikebe. Enetakin esabiiti, angin idiopet kakesi ajaasi ka eikebe lo eleleba emuceri lo apotu kesi oyangaasi okanisa aimor, okiror Yesu, nepepe ka itunga lu atutubet lu ajai do ibore yen adite noi adepar yen ajaatatar kesi. Apotu kiswamatos kwangin ka asabunyi da. Apotu angor nu okanisa ipejokisi apuserun nu ajaasi toma atutubet ngin kosodete “airumun” kesi — aingarakin kesi ailot iboro, aipo ka aidar iduwe ke arai edekakinos nu atotokec.

Abu Yesu iner nu ikamunitos aswamusinei, ido apedorit Wong aanyun ebe ajaasi itunga kede aswam. Mere na apol eropit noi, konye aswamusinei nu ainakitos itunga angosibib ka apedor adumakin kesi iboro lu ibusakinito. Abu Yesu iner nu ikamunitos itogoi, ido abu Wong oany idukurun lu anyia lu ainakitos alilimu ido oisete ijulakinio araun itogoi. Mere itogoi lu ebei lo kuju, konye itogoi lu eyuara ido olaete. Abu Yesu iner nu akamunitos akipi, ido katipet apotu apaipon nu akipi ojaunos aboisio nu etebeinikina ejok ne apedorata angor ka iduwe adumakin akipi nu elaete. Abu Yesu iner nu ekamunito aidar aila, ido apedori Wong aanyun ebe ajaunos icolonin —mere angol etogo loke, konye lu aditos opedori ngin itunganan da adumun lo Alomanari. ido etuti je lo agasia na eleleba aureus na apol noi okiding naka atutubet kana, abu oolio pit. Kesi aitiun ebe ejaasi kwana ikito ludidik, ido ajaasi iduwe ekwenasi oboliasi, opesete emopiira. Abu Yesu da bobo inerite nu ekamunitos ejare lo ijulakina, ido abu Wong oanyu aberu na lem agwelanari akuanake, kwana egangit iduweke ojaasi kede aswam na angosibib. Ekamerata je abu kwana oraun ekilokit ka Papa lo emina. Ejakait je Lo Apol adoketaik ke oyaite nu aigan lu ejaasi erono, mam bobo etwasamai isirigin kede amamus amunoonut, konye do ajai teni aingarakin itunga lu atutubet.

Kosodi do Yesu atemar, “Wong, osesen ekanisa!” kosesen Wong. Eleleba. Ajaasi ikiliok da nen! Eyalamasi itunga. Ajaasi ituritos Edeke kanuka ajokis ke. Wong je ajai Alimonokin, Aisisianakin ka Aingarenikit itungake kotoma Omoyo ido kotoma aswamusinei nuka amina na erimaarit. Itetemik

Yesu, “Wong, aitapoet na mam ebuni aitodolikin ka aileleba ke aitodol eong abongun, konye na ngesi alosikineteka kanuka Las Pavas. Akoto eong ijo aimor aitapoet na ido itegea aingarenikin itunga lu Las Pavas toni akiro ngun.”

Ogeari Wong aitepeg, “Konye, Ejakait, icana isio noi noi!” “Wong,” iyapakin Yesu aingit ngesi mot, “ingai bo abu ingarenik iduwe luka Isirael aitub Angolol na Arengan? Ingai abu itupua imugatin ka agarai ka aitanyam ikiliok ilukumin ikany amorikikin kede angor ka iduwe da? Ingai abu itupua akinyet ka akiria nu apuserut naka Sarapet tetere ejaunos ka lu adolet ngesi aitanyam ekaleke adaun ikaru iuni luka etengei/ ebeli? Ingai bo abu isinapik angolol naka Galilaya?” “Ijo abu iswamau, Ejakait,” elimuni Wong. “Aso bodo, Wong, orima nu alimokit eong ijo aswam. Omor lu ijaatatar ijo, arai da edit. Olimono alosikineta ka nu ajokak kanuka itungakon — aimoriarit nu omoyo ka nu akuan da. Ido etangaleuni eong akwapukus!”

Kopup Wong ekokor eruikini. Aberuke eolari ka aireonor ojuwai naka ekaten . Eboiyei ngesi omesa, konye etodoma ke abu adau adungeor. Auta akwapu acaun. Egeari Wong airereonor osiepon nen ti Aanyun Yesu, konye mam abu owanyu Ngesi. Abu ngesi oumok, “Biyai ajai eong airuja? Biyai arai aitapoet? ” Mam ngesi ajeni, konye abu Wong ojenu ebe eriamunos ngesi keda Yesu ido da abu ngesi odum aijen na itetet na ikamanara kede lu ican...ka aitapoet na itetet koipone lo ebeitor ngesi aingarenikinia itungake aitodiar amina naka Edeke kotoma Las Pavas.

- Nunyoika acie atiokisio nu ajasi otunga lu atutubet ke Ekokon Wong? Otiakatiak atiokisio nu aimaruneta aongon (4): komoyo, kalucie itunga, kakuan, ka aomoom na akou/adam (acoa)
- Nunyoika epeleikineta nuka Edeke kanu itunga lu atutubet kana? irireo kangin idiopet atiokisio kosodi aanyun nu abu Yesu itodia ebe eraunos aitemokineta.
- Nunyoika abu Yesu olimok Ekokon Wong aswam?


6.2 Akirot Na Isisiaunitai: Jose (Yose) ka Maria

Etogo ke Yose ka Marai edopo akim kopaana; emamei ido ibore yeni edepara nepe cepeda. Biyan apotu kesi keda iduwekec ikany olototo aimec opajan kec. Konye ejaa ngun da, adautu itunga adolare 10 lu iboyete togo kayen edit kwane, kanu angun emamei bobo acie aiboisit na edoli itunga ikanykaarei. Erai Yose akorion ido adaunit akorikin inyamat amisirike na edit ngin, konye eroko to ekoto bobo ilapio iuni aitodol ne esakuna ngesi. Abu itwasama isirigin kere lu ejaatatar kanu ikinyom lu iraikin misiri ido iboro kere lu ajaatatar apotu idoposi akim.

Lunyoika bo icie oipudesia luka ekale kalo?

Luinyoika bo icie iboro ejaasi toma atutubet lu epedorete aingarakin?

- Itunga
- Iboro lu Itwasama
- Adukena nu itwasama




8.1 Ajkt. Lee Nuingarenikinete Aimor Aitamitam

Koomoom nu akamunitos aitatameta nuka Ajkt. Lee ido omorata aitamitam aingiseta nu etupakinete:

1. Nunyoika abu Ajkt. Lee iswama kanu angin idiopet okalia?
2. Nunyoika apotu aswamisio ke Ajkt. Lee itolumuutu?
3. Nunyoika ti iswamaunos orai Ajkt. Lee oinakite isirigin arai inyamat nejai angin idiopet okalia kalu?
4. Orai Ajkt. Lee oinanakini kesi isirigin kangin esabiiti adaun ikaru iyarei kosodi ajalakin, ijo iomit ebe ti aijar kec ijulakin adoketait kwa kana ejulakinotor?
5. Nanyoin atiaketait kiding aingarakin kede isirigin ka eipone lo abu Ajkt. Lee ingarakina?
6. Inoma ber ijo orai oni lu ipu ageasi aswam bala Ajkt. Lee — aipejonikin ikalia ka apupokin, airereor ka aitam amisiikin atiokisiokec, kosodi konye amoun abongonokineta. Nunyoika ti aijulakineta eyangau otunga lu atutubetekon?

8.2 Ekale Loejai Oipudi Nuingarenikinete Aimor Aitamitam

Ejai ekale lo iboiyei eiduny ka ekanisa kon. Emamei duc ekilokit ore, konye ebonguni irwan atipet elap arai akaulo na ilapio iyarei adaun apaarasia adis oinuute ekale isirigin idis. Aberu ejai idari iduwe kec iuni ido emamei idio kakesi yeni esiomi. Angin duc, ejaasi iduwe ekerete omameete adis amuka akejekec ido onapitos igoen lu emojongitos noi. Etogo kec idupudupo, araraara, eisi erono noi apakio nu edou. Itor ijo ariri na etogo angon, ipupuni ijo iduwe emonyete naarai eriebi etengei.



Lunyoika icie oipudesia lu ejaatatar ekale lo?

Koipone enyoin ti ingarakina ijo ekale lo kosubite bala Ajkt. Lee?

9.1 Iponesio Lu itodiaritos Aswamisioit naka amina

1. Iswamao aitodiara amina naka Edeke

- Nanyoin aisimaaret ejaatatar lumam iyuunito kanuka eyuunak kotoma atutubetekon? Kanuinyo?
- Biyai itunga eponenenete okinisa karaida mam enyaraunitai? Kanuinyo? arai Kanuinyo mam?
- Nanyoin aisimaaret ejaatatar lumam iyuunito kanu Edeke? Nunyoika eomitos kesi eraasi iponesio lu etakanete epolok luka Edeke?
- Nunyoika iomit ijo etemarete itunga lu atutubetekon orai ekanisakon ogea aswam icie kotoma oboro lu elimuninitai kotoma aitatameta nu Aswamisio nuka Amina?
- Kanuinyo ti ikotor oni aitebeikit aswam Aswamisio naka Amina nejaasi lumam iyuunito atia kanuka lu iyuunito

2. Iswamao Kotoma Arimaarit Edeke

- Kanuinyo ebalat Yesu ebe erai ibore yen epol oni arimaar nu icorakini Edeke oni?
- Koipone aani abu ekanisa itojokaara ingai itodikinio Amina naka Edeke neke?
- Nanyoin aijulakinet na obu kotakanu kotoma itunga lu atutubet?

3. Iswamao Kotoma Agogongu naka Edeke

Koany Yokana 15: 1-8.

- Nunyoika elimokit oni asiometait na kanu ikamunitos nu ipedori oni aswam ikulepek bon? Nanyoin iomit ijo apolou kanu?
- Koipone aani iraia oni araito nuipu?
- Kotoma Yokana 15:5 eba Ebaibuli: “Erai esalaki itunganan tomaka ka eong da tomake, erai ngin araito nuipu.” Nunyoika iomit ijo apolou na asalakin toma Edeke?
- Koipone aani ipedoria oni amunokina toma agogong naka Edeke kotoma apak naka iprojekts kalu / ainapeta kanu?

4. Iswamao tetere Edeke iturital

Osiom Yokana 15:8.

- Nanyoin alosikinet na aira araito nuipu?

Osiom Matayo 5:13-16.

- Kanuinyo iswamaa oni aswamisio nu ajokak?

- Nanyoin ekoto orai alosikinetewok ne iswamaa oni Aswamisio nuka Amina?

5. Edite ido Opatana

- Kanuinyo iwomitor ijo ebe epolok nu ijo egear kede Aswamisio nuka Amina nu edisiak ido opatana?

6. Iswamao itwasamaete iboro lupu atutubet

- Kanuinyo iwomitor ijo ebe adiopot kotoma Aswaamisio nuka Amina arai aitwasam iboro lupu atutubet – iboro ngun lu abu Edeke odau akorakite yesi ido komam eraasi lu elomunitos akwapu na okinga?

Kanuinyo iwomitor ijo ebe erai ibore yen epolok nuke?

Airereor Eipone lo abu Aswamisioit Kojaunor

iito ber ijo aomisio nu kaponi ijaikin oni kotoma abolobol na etegearere asisian na. Aso bobo kotoma ogurupun kus lu itunga iyarei iyarei koseutu auni (3) kotoma akirosinei nu iswamaa nu eponio airereor eipone lo apotu aswamusio kojaunotor. Kopodokite Aingiseta nu etupakinitos nuta:

1. Koipone ti aani angarakina ijo aswamisioit na aitodiar Amina naka Edeke toma otunga lu atutubet kon? Inyo ti iyatakinio arai aijulakin kotoma aswamisioit kana kanu aitojokaar eipone lo itodiaret Amina naka Edeke Joka?
2. Nanyoin erai kwape aanyunet naka ainapeta / aswamisioit na edite ido opatana na epeporio aiswamaar kotoma apak na apaaran adiopot?
3. Aanu bo iboro lu itwasamaa lu ipudai kanu angetakina ainapeta nuu nuda epatana adumakin toma atutubet kon?
4. Koipone aani ijulakina swamisioit na itunga lu atutubet kon/ atutubet kon? Biyai erai na eipone lo aijulakinet na ti ikoto ijo aanyun kotoma atutubet kon? Arai mam, koipone ti aani ijulakinere aswamisioit na tetere itojokaari ejautene loka itunga lu atutubet kon?
5. Koipone bo ti aani ijenuna arai iswamai aswamisioit na kotoma arimaarit Edeke?
6. Biyai ijo iwomit ebuni Edeke aitopoloorio arai engetakin aiswamaar aswamisioit na? Koipone ti aani ipedorio oni aimor ainakin Ngesi aiturio kanu kaponi odunai aswam?

10. 1 Afomun nu Itolomuununet Ainapeta

1. Osiom Adokena Nutupitono Itolomunio Ainapeta
2. Omorata Aitamitam Aomisio nuka Aswamisioit naka Amina na Itamitama
3. Ailip
4. Koanyana arai iriamara aomisio kus ka Aswamisio akanyikape nu itodiaritos iponesio luka Amina.
5. Ogea Aitolomuunun Ainapeta kon nuka Aswamisioit naka Amina
6. Ailip
7. Omorata Ainapeta kon kalucie kosodete aisukunyuun aomisio kec
8. Ailip

Adoketa Nutupitono Itolomunio Ainapeta

Adoketai 1: Ailip

Ibore yenisodit aswam ngesi ailip. Oyangaikisi kwana apak ailip. Elipata Edeke itodik yesi nu ibusakinit yesi aswam kanuka Aswamisoit kus naka Amina.

Adoketai 2: Asekun Aswamisoit

Kwape egurupu, itojokaasi nu ti epedorete yesi kwape Aswamisoit naka Amina. Ongoliasi acie kotoma aomisio nu opotu yesi imarumarutu aiwadikaun asisian 5 “Ekoto Edeke Ekanisa Aingarakin” ka “Lunyoika icie oipudesia kotoma oyunga lu atutubet.” Nepepe, ocamanaros nu ipupete yesi Edeke ingarenikit yesi aswam.

Idautu yesi asekun akirot na aswama, koanyutu ebe erai ibore yen ipedorete yesi aswam kotoma apaaran adiope arai aarei. Arai mam erai, ipedorete yesi aswam adoketai adiope arai aarei?

Adoketai 3: Itojokasi ibore yen ipudai

Adoketai na etupakini ngesi ageaar aitolomuun ainapeta. Nasodit, ibusakinit oni aitojokaar nu ikoto oni aswam kotoma oprojekt/ainapeta — nu ipudai itunga, iboro bo aanu lu itwasama, acamakinio apedor adoketai bo aani, ka acie da. Kanu aingarakin ijo aomoom nu, ipedoro ijo aitwasam apapula na epetunit eipone lo aswam kotoma oitaabo kon loka esisian. Idau ijo aileleb atiakunet nasodit obongi kwape kede iboro kere lu ipudakin ijo, akepolou ipedori do ijo aitojokaar ingai ebuni ayait ido apaaran bo aani ibusakinit angetakina aiswamauna.

Adoketai 4: Iwadikautu ainapeta

Koanyutu ebe ainapeta kus ebongokinete aingiseta nuta. (arai erai egurupu lo edit adoketai na asioman akepolou mam epolok nu aiwadikaun ainapeta, konye koany ebe adautu kesi aimor aitamitam angin idiope kotoma aingiseta kanuta.)

- Nunyoika ilosete yesi aswam?
- Inyobo ipudasi yesi aiswamauna? Aibo idumakinete yesi iboro ngun?
- Ingai bo ilosi ijo aingarakin? ijo idau aingitun kesi?
- Ingai bo elosi aijaikin toma aingarakin?
- Eraasi bo apaarasia adi ilosioto yesi aiswamauna?

Adoketai 5: Ailip

Idautu yesi aiwadikaun ainapeta nu iswama, oyangaikisi apak bobo ailip. Ilipata Edeke aingarakin yesi angetakin ainapeta ka aitupuaar/aitanyanyaar nu elosete aiswamaun ko otunga. ilipata ebe Ekiror loka Edeke kodum aitopoloorio. Kotoma osabiiti lo etupakini arai lo iyareikini ka itemonokinia yesi kanuka ainapeta kus, ekoto yesi ilipete ebe opedo Edeke aingarakin yesi kede ainapeta/ eprojekt.

Adoketai 6: Iswamaata Ainapeta

Adoketai na kwana etupakini ngesi aswam ainapeta nu itolomuutos yesi. Itegeasi apaaran kede ailip kosodete aititingikin agogongu kus ka nu ilosete aswam mama ejai Edeke. iitutos ebe iswamaete yesi ainapeta nu kanu aitodiara Amina naka Edeke mama ejaasi itunga luka atutubete kus. Kotamata aricit eipone lo iomitotor yesi iriamara kede alosikinite nu.

Adoketai 7: Aimor airereor eipone lo apotu Ainapeta olosioto ka ainakin Eripota

Adoketai nawasia ngesi ainakin eripota ka aimor airereor eipone lo apotu ainapeta olosioto. Kanu inyo ibusakinitoni oni aimor airereor eipone lo apotu ainapeta olosiotor? Naarai ingarakini oni aisisiaun. Ipedori oni aomoomoun nu apotu oni eswamata ejok ka nu ipedori oni aswam kanu aitojokaar jakan ainapeta nu etupakinete. Mam ekoto orai eiswamae lo eoja noi; ipedorete yesi ayangaar idakikan idis bon aimor aitamitamaa aingiseta nuu:

Inyobo abu iswamaun ejok?

- Inyobo mam abu iswamaun ejok?
- Nunyoika aitojokaareta nu ti ibwaik ijo toma ainapeta?
- Biyai nu apotu iswamaunos /eijaune arai kwa ilosikinitotor yesi? Arai ma, kanuinyo mam?
- Biyai Edeke aponi itopoloorai?

Ejaatar Etutuoron afomu nainakinet eripota. Kanuinyo iinakina oni eripota? **Kotoma Marako 6:30**, ianyuni oni ebe apotu lkesisiak oyangautu eripota neajai Yesu lo ekamunit kere nu apotu kesi iswamata. iinakini oni eripota kwape aanyunet naka amunoonut ka aisialamikinet mama ejaasi ngun lu apotu isisianakisi oni ka aisikapikin itaabon ka esisianakinak kanuwok. Ainakin eripota ijaikini ijo arerengu aimor nu abu ijo iswama ka ainakin ijo ajenanut na abu Edeke itwasamaa agogongu kon/ aswamu kon. Ido einakini etutuoron da arerengu aanyun arai ajaasi adio atikisio ka amoun iwaitin lu itojokaaret aijaanakin ijo koingaren.

Afomun nu Itolomuununet Ainapeta

	INYO	INGAI EYAIT	APAK NA
IBORO LU ITWASAMA			
ITUNGA LU EJAA TOMA			
EMEDAUNAK			
ACAMAKINIO APEDOR			
AILIP			

